

圖註喉科指掌

上海錦章書局
印行

凡例

一咽喉大綱喉舌分經悉本內經立說深有裨於學者聞之臨症自然了了

一看法治法十八條最為喉症緊要須細玩味餘能廓而充之則存乎其人

一絕症詳註二十症庶免庸工弋利貪醫之弊且不誤人亦不失己一脈訣圖說不獨使學者知咽喉今屬肺胃二經抑且診視能知他經受病而用藥則知所忌投矣

一喉症吹飲製藥及經驗應用等方悉余家五世相沿莫不得心應手學者幸採用之

一咽喉諸症起簾珠喉迄上腭癰凡五十二圖

一大舌門起木舌迄舌疳凡十六圖

一帝丁起胃火小舌迄懸旗小舌凡五圖

一雜喉起松子喉疔迄煙筒傷喉凡十四圖

一牙齒門牙齒總說及應用諸方悉為臚列以便採用

一牙齒自牙癰起迄小兒痘痧疹各症凡十三條無圖而以牙齒開口即見非喉舌蘊藏於內此也

一諸症圖後各說有立吹方有只煎方而止者蓋吹方已列前應用方中一檢自得若逐症列之恐滋學者一方只醫一病之惑至於風寒火鬱已載方下學者當變通用之

一集驗良方亦由余家五世相沿屢收奇效集而藏之茲附刻喉科之末以公諸人惟望有力者平日預儲藥餌以濟患者無力延醫者亦得檢方施治其或以方隘見責要知外科另有專門不必繁冗滋贅也

喉科目錄

卷之一

咽喉大綱論

十六絕症又四絕症

附針灸銅人明堂針法

咽喉吹飲諸方

卷之二

咽喉門

簾珠喉

風熱喉

喉疳

聲啞喉

乳蛾門

雙乳蛾

風寒乳蛾

石蛾

喉舌分經說

左右脉訣圖說

銅人圖二式
穴註附中指同身寸法

製藥法四則

附選經驗應用方

嗆食啞喉

紫色虛喉

飛揚喉

爛痧喉

單乳蛾

白色乳蛾

邦東包永泰鎮魯氏著

男稿成嚮五氏校

咽喉看治法

針穴圖穴註

內外腫喉

喉癰

虛啞喉

爛乳蛾

伏寒乳蛾

喉痺門

爛喉痺

雙喉痺

走馬喉痺

喉風門

內腫鎖頭風

弄舌喉風

酒毒喉風

腫爛喉風

淡紅喉風

骨槽風

卷之三

喉癰門

伏寒喉癰

大紅喉癰

外症喉癰

白色喉痺

單喉痺

外腫纏頭風

虛爛喉風

勞碌喉風

肺寒喉風

息肉喉風

腫爛喉癰

聲啞喉癰

兒腮喉癰

伏寒喉痺

淡紅喉痺

匝舌喉風

白色喉風

酒寒喉風

辛苦喉風

啞瘡喉風

淡白喉癰

單喉癰

舌上癰

舌下癰

大舌門

木舌

紅點紫舌

重舌

舌上珠

右雀舌

舌疳 心法選

小舌門

胃火小舌

純白小舌

卷之四

雜喉門

松子喉疔

喉菌

左陰瘡

上腭癰

白腫舌

純紫舌

蓮花舌

舌下珠

舌衄

胃毒小舌

懸旗小舌

走馬牙疳

喉瘤 附分部位喉瘤圖

右陰瘡

爛邊舌

座蓮花舌

黃焦舌

左雀舌

舌上龜紋

積熱小舌

喉單

喉癰

開花疔

回食丹

煙筒傷喉

牙齒

牙齒總說

牙疔

牙擗

小兒走馬牙疳馬牙疳

小兒痧後唇口疳爛

氣子

牙齒應用諸方

牙衄

牙菌

小兒痘後唇口顯頰

痰疱

牙癰

攢齒疳

牙疔

小兒痘後走馬牙疳

喉科卷一

咽喉大總論

邦東邑永泰鎮醫氏著
男福成寓五氏族

夫咽喉者左為咽右為喉生於肺胃之上操乎出納之權司呼吸之主升降乃一身之總要有節之關防呼吸出入之所也然咽與喉不同咽者胃脘水穀之道路主納而不出長一尺六寸重十兩喉者肺脘呼吸之門戶主出而不納凡九節長一尺六寸重十二兩咽雖與喉並行其實不同也經云一陰一陽結而為瘕痺痺者閉也有風有寒有火有濕有毒有虛或有風火相搏或寒濕相聚其症不一變幻不測故漫腫而爛多者風也淡白而牙緊者風寒也紫色不腫而爛者伏寒也紅腫而脈浮者風火也脈沉實爛而不腫者毒也脈細數而浮者虛火也細遲者虛寒也風寒濕毒虛不可不究其狀有陰有陽不可不察紅腫外見者陽也悞服辛熱之劑謂之以陽攻陽毒氣愈甚雖欲奏效必不可得也如舌色黃黑飲食阻碍吞吐不利疼痛難忍不見紅腫者陰也驟服寒涼剋伐反致生痰作燥謂之以陰剋陰其痰愈甚致入膏肓百無一生矣大凡初起之症診右寸洪緊者肺風也兩關浮數者胃火肝風也左寸浮洪者心火也右寸沉遲者肺伏寒也沉數者伏熱也右尺洪大者三焦火旺也左尺洪而有力者腎實火也此數部脈者乃大畧也可總用清咽湯治之若凶險等症須診其脈相其形再詳其受病之源細詰其所起之端而用藥對病自然速愈矣故凡治咽喉之症其要在于脈與形名耳經云神聖功巧不過望聞問切以此推詳庶無差誤

喉舌分經說

喉有二竅左為咽屬胃納食之關右為喉納氣之關口內上腭屬胃陽分下腭屬脾陰分舌之中心屬心四圍屬脾舌根亦屬心經小舌名帝丁屬胃喉之左右通舌根者肝經外兩耳垂下肝經通焉古白胎屬寒黃胎者屬熱如焦黃者熱甚黑者熱極凡舌胎不論黃焦黑以指摸之滑而有津者非真熱也不可一味涼藥用八味丸引火歸源之法大舌邊紅脾火也可用清涼之劑喉癰地位屬肝再進內寸許或爛或腫俱屬脾胃火毒之症結毒者亦有之但兩關脈浮者非真結毒也沉者為真此分經之大畧也

咽喉看治法總要

凡喉間作痛潰爛久而不愈李東垣曰此必楊梅瘡毒須以萆薢湯為主隨症佐以別藥

過橋瘡生咽喉之下肺管之上視之不見吹藥不到飲食妨碍汪省之曰此楊梅結於肺胃也凡喉嚨作痛忽然腫起週身骨節疼痛遂用針于腫處刺破惡血雖去久潰不能完口致爛潰通于鼻竅或腐涎舌下痛不可忍臭不可聞此輕粉之結毒也切勿作喉疳治

患楊梅瘡將發標時咽喉痛者不必治咽瘡解散咽痛愈矣又有先患下疳將愈時咽喉作疼起黃粟斑點此乃毒未升解而傳于咽宜內服萆薢湯五寶丹青露散吹賽珍散

凡傷寒病四五日發熱鼻乾口燥咽痛者陽明之病也陽明屬胃汗多則胃汁乾故津液不能潮咽而乾痛用宜人參敗毒散主之

傷寒三五日咽中作腫其色鮮紅痰涎自出頭疼項強須知屬太陽經宜甘桔湯加牛蒡子元參生川連吹藥照前

傷寒八九日以上身無潮熱腹痛自利而咽痛者此太陽受病也咽喉腫痛其色微白要醫調治之

凡婦人胎前咽喉痛而脈浮者不可輕視慎之

婦人喉症腫痛有因經閉致火上攻而成者宜內服通經藥月事通則愈

凡喉症初起一日寒戰即生發者發後身涼不碎又無重舌或二便俱利不可認作熱症皆因陰氣虛寒而發其痰不可吊盡此痰即身內之津液所化與熱症乳蛾腫舌痰壅一處以流盡毒愈者不同若似前症流盡則精神竭而必斃矣先吹或用水換之法使喉通即便服藥初發散次和解再施溫補滋養之藥

凡治毒症之法須看其血氣壯盛者多服涼藥不妨如氣血衰弱者涼藥不可多用多則氣血愈衰即用十八味神藥為妥

凡治喉中紅腫者須視或癰或蛾認症不真不可下他藥先用清咽湯一服吹藥或風火或痰毒選酌後方用之切不可輕加減急者先針患上出血亦可

凡帝丁在咽喉當中為一人身之主宰庸醫稍犯刀針人之死者多矣每有吞吐不利等症候認帝丁以作病根自傷其命動刀針時切宜防犯犯則出血不止鮮有不斃者慎之慎之

凡夜深看症須得細照再三推詳如見症不真不可輕用刀針亂投藥餌先服清咽湯一帖令患者漱吃以俟天明再看

凡看症或病者痛腫口不能開灸煩車穴三五壯吹藥不得者以神仙棗一枚塞鼻內即可開口吹藥

凡針舌下兩邊青筋血出鮮者易治成塊黑者死若痰血熱結於胸中連服涼隔散消痰解毒為妙

凡諸藥料必須揀道地並預備俱為細末臨期急用將白滾水泡一刻去渣頻漱嚥下為度如煎不可多煎數滾為準多煎則不效矣

凡年每有時疫喉風俗名鰻鯉瘟兩腮腫脹沿街遍巷有一門傳染者此症乃少陽經之患用清咽湯加蘇葉煑活牛蒡子紫胡各一錢服之可愈

如一門人多傳染可用十服之料煎一大鍋分吃

凡針必須以銀打就細如大引針頭上一粒如菜子樣略鑿一小缺有用針頭灸之法取其易放艾圖耳

艾要陳者為妙圖如小菜葢大置於針頭缺處以香灸之灸或多少不一看症之輕重此為針頭灸

凡喉針不可用鋼濶頭長大者近來病人多畏手法况喉間地步窄側動手之時病者或搖頭

退縮恐傷他處必須或銅或銀外打一小筒中藏利針收放在手捺之則鋒露收之則鋒藏
自不傷他處矣

凡針身手四肢諸穴必用細針惟十指五穴可用三稜針針之以血多為妙

凡看症病者或將舌疊起則不見喉間必須以物壓舌或骨或牙皆可為壓舌之具

凡治應病方藥必須依方分量不可因藥味太重以太黃等為峻利心生疑忌畏不敢服余存

心濟世決不用重劑悞人古云有病則病當之豈有害於患者哉更不可輕聽人言有悞其

事豈不惜乎

十六絕症

舌捲囊

油汗如珠

啞喉噎食

吐血喉癰

聲如鋸錯

鼻塌唇青

脉細身涼

角弓反張

十指無血

喉乾無痰

六脉沉細

便閉十日

天柱倒折

兩目直視

痰壅氣塞

喉菌不治

又四絕症

走馬喉風

鎖喉風


纏喉風

走馬牙疳

四症皆凶險之症若不吐不瀉針之無血藥不能入俱為不治遇此慎之

左手圖


右手圖



遲則寒數則熱
 細緩則虛
 熱細數虛
 寸屬心與小腸
 關屬肝與膽
 尺屬腎與膀胱
 病脉全前
 尺屬命門三焦
 關屬脾與胃
 寸屬肺與大腸

針穴圖

穴左右同



頰車穴

近前曲頰端上陷中側卧開口有空是穴

耳垂下八分

足陽明胃經

少商穴

大指內甲角

手太陰肺經

商陽穴

食指外甲角

手陽明大腸經

中冲穴

中指中甲下

手厥陰心胞絡經

關冲穴

無名指內甲角

手少陽三焦經

少冲穴

小指內甲角

手少陰小腸經

針灸銅人明堂針法


凡喉風諸症皆由氣血閉塞以致風痰上攻結為熱毒宜用針法開導使血氣流通則風痰自散雖有諸奇方調治而神速莫如氣針誠諸藥之先鋒喉家之妙用者也如臨諸症先從神庭上星顙會前項百會後頂風池三穴頰車穴針過又從少商合谷曲池各依針法此為開風路針初針只宜男左女右并留火窩坑風府肩井曲澤陽陵泉陰陵泉足少商諸穴不可先針倘遇喉風極重之症以前針法針過其風邪熱毒仍不少退者次日復視可用前法復針即可加針火窩坑風府肩井陽陵泉陰陵泉足少商等穴并左右全穴逐一對針自無不效至於人中鼻流諸穴乃中風者用之惟鞋帶二穴救小兒急慢驚風之症極效此銅人明堂針法繪圖於後學者不可不知

頭上氣針圖

週身氣針銅人圖

左右同

神庭
上心
顛會
前頂
百會
後頂



攢竹穴

在兩肩頭小陷宛宛中針三分三度刺目大明宜用鋒針出血禁灸

然竹穴

在肩後陷中針三分宜瀉不宜補禁灸灸之令人目小無所見

人中穴

即水溝穴在鼻柱下溝中共針四分

承漿穴

在頤前唇稜下宛宛中開口取之針三分

鼻角穴

此即迎香穴在鼻孔旁五分針三分禁灸

頰車穴

註前

鼻流穴

在鼻孔口二穴

肩井穴

在缺盆上大骨前寸半以三指按當中指下陷中是止可針五分若深令人悶倒

速補足三里

神庭穴

在直鼻上入髮際五分灸七壯止七七壯禁針

上星穴

在直鼻上入髮際一寸針三分以細三稜針泄諸陽熱氣

顙會穴

在上星後一寸有陷可容豈許

前頂穴

在顙會後一寸五分骨間陷中針一分

百會穴

在頂中陷中容豆許去前髮際五寸後髮際七寸針一分


後頂穴

在百會後一寸五分枕骨上針二分

風府穴

在頂後髮際上一寸大筋內宛宛中疾言其肉立起針四分禁灸灸之令人失音

中指身寸圖



風池穴

在風府橫開兩邊一寸五分

曲澤穴

在肘灣內橫紋盡處

曲池穴

在肘外骨動窩處

合谷穴

在虎口內軟肉上

少商穴

註前

少冲穴

註前

陰陵泉

在膝內骨動處

陽陵泉

在膝外屈窩處

凡取穴尺寸以
男左女右手中
指第二節內延
兩橫頭紋相去
為一寸以薄篋
量準量穴針之